

ALDONO AL „POLA ESPERANTISTO”

1909 j. #1.

WŁADYSŁAW St. REYMONT.

Ave Patria,

Morituri te salutant...

el pola lingvo tradukis

D-ro LEONO ZAMENHOF.



VARSOVIO
ELDONO DE JAN GÜNTHER
1909

WŁADYSŁAW St. REYMONT.

Ave Patria,

Morituri te salutant...

el pola lingvo tradukis

D-ro LEONO Zamenhof.



VARSOVIO

1909

Biblioteka Uniwersytecka KUL



1001144593

Esper. 60 I



PRESEJO: L. BILIŃSKI KAJ W. MAŚLANKIEWICZ, VARSOVIO—NOWOGRODZKA 17.

71/1437/d

Kamimura eksilentis por momento, plenigis la pokalon per akvo kaj, levante ĝin malrapide, trakuris per pezaj okuloj la vicon de l' soldatoj.

— Ciuj kvazaŭ subite ŝtoniĝis, eklumis nur rigardoj kaj la vizagoj rigidigis atendante.

— Pro via heroa morto mi trinkas!

Li eltrinkis ĝis la fundo kaj klinigante al ili, etendis la manon kaj ree ekkriis:

— Kaj nun iru! Iru sur viajn ĉerkojn—brulšipojn kaj pereu ĝis la lasta! Japanujo bezonas vian morton... ĝi atendas vian pereon... Iru kaj pereu!

Li diris per laŭtega voĉo — kvazaŭ per la voĉo de la tutu patrujo.

— Banzaj! — elŝiriĝis el ĉiuj brustoj unu potenca ekkrio.

— Banzaj! — ektondris ree, kiel uragano;

sabroj ekfajfis el la ingoj kaj arego da junuloj kunvolvigis, ekbalancigis, eltirigis en movigeman rubandon kaj ekmarphis al la stuparo sur la ferdekon—la vizagoj fulmadis el la malumoj kvazaü fajraj glavoj kaj la okuloj leonaj, la okuloj fuzioraj, la okuloj plenaj je tondroj kaj potenco, ekbrilis per fulmoj de entuziasmo kaj senlima feliĉo.

Ili iris pare, per forta kaj elasta pašo de maristoj.

Ili iris kun fiera silento de homoj elektitaj por neevitebla morto.

Ili iris per senbrua kohorto de tondroj jetitaj de la mano de l' destino.

Ekregis mallaŭto, silento de tomboj ekblovis per glacia spiro. Alkuradis nur bruo de l' maro el la ferdekoj, malproksima frapado de ondoj kaj velkantaj, disblavitaj ehoj de iuj voĉoj; ili trapaſis per muta vico, fieraj, junaj, feliĉaj, kiel dioj, klinis la sabrojn antaü la estro, levis la kapojn kaj la fidelajn okulojn dronigis en liaj okuloj, kaj ridetojn sentoplenajn kvazaü rosigitajn florojn jetis al liaj piedoj...

„Gi ne pereis! Ĉar jen al ĝia sankta voĉo, levigis oferema aro kaj kun rideto de feliĉo iras al senkompara batalo, al certa morto, al nenigo...

„Gi ne pereis! De tiuj ĉi heroaj brustoj disspruciĝos la malamikaj ondoj! Per oferemo eco ili superos kaj per amo venkos eĉ la morton mem.

„Ho lando de l' leviganta suno! La malamiko ne detruos viajn florantajn kampojn, ne malpiigos viajn korajn sanktejojn, ne malhonorus per mallibero... Ĉar jen aro da agloj ekflugis el siaj nestoj, forlasis la tutan dolcon de l' vivo kaj rapidas defendi vin per siaj brustoj, flugas por surfali la malamikon, venki kaj morti por vi.

„Ho sankta mia lando!“

Pregis Kamimura, sekvante ilin al la ferdekoj.

La suno jam subiris post la altajn montojn, la ruĝa tagiĝo perligis sur la tremantaj ondoj, mallumo kvazaŭ senbruaj svenantaj ekspliroj vualis malrapide la mondon kaj dolĉa trankvilo de vespero fluis el la pala malvarmiĝinta cielo.

Nur la maro bruegis kolere, sprucante per ŝaŭmantaj ondoj, kaj la ŝalupoj baraktiĝis senpacience apud la bordoj de l' kirassipo.

Ili iris al la ŝipoj en profunda silento, kvazaŭ procesio de fantomoj, malsupreniranta en komunan tombon.

Estis da ili cent dudek.

Hiroše kaj Kataoka fermis la procesion.

Kamimura apogita ĉe l' rando sekvis ilin per rigardo, la tuta ŝipanaro donis al li la lastajn honorojn, la adiaŭa flago baraktiĝis sur masto.

Subite siblo distranĉis la aeron, ŝraŭboj ekgrincis kaj la ŝalupoj jetis sin sur la maron, glitante sur la suproj de ondoj kaj dispuŝante iliajn ŝaŭmantajn dorsojn...

Kamimura longe staris sur la ferdeko, adiaŭante ilin per la pensoplenaj okuloj, ĝis ili perdiĝis en malproksimo kaj post ili nur vagis strioj de fumo kaj aro da kriantaj mevoj.

Kaj la ŝalupoj fulmrapidis tra la mallargâ faŭko de l' golfo al la maro, iafoge enprofundigante kvazaŭ en abismojn, sed tuj la ondoj altiĝis kaj ili ree flugis, kiel blankaj grandegaj birdoj; bluetaj harligoj de fumoj kovris ilin per mantelo, tra kiu apenaŭ vidigis la forkurantaj bordoj.

La suno kliniĝis, en la okcidento disfluigis kvazaŭ kotejoj de purpuro kaj oro, la maro fariĝis ruĝa, komencis brui kaj peze ruligi, la ondoj kvazaŭ rustiĝintaj serpentoj amasiĝis per ŝprucantaj aroj, eliradis el profundejoj kaj levante la sangantajn kapojn rapidis bruege

al la ŝalupoj, ĉirkaŭvolvante ilin per longaj korpegoj, atakis furioze, kvazaŭ volante ilin haltigi kaj revenigi, sed dispecigitaj kaj dis-premitaj, ili resaltadis kun ĝemo.

Mevoj kriis super ili timeme, longe kaj plende.

Sed en la ŝalupoj daŭris obstine silento; neniу sciis, kio fariĝas ĉirkaüe, ĉar ĉiuј animoj flugis per lasta antaŭmorta flugo, tie, super Japanujo, super konturoj malaperantaj por ĉiam, ili kuris al la lastaj sunradioj, plorante per plendo kaj sapiro...

La haveno malaperis post ili en akvaj abismoj, la arbaro de mastoj malgrandigis, ŝajnis araneaĵo, la urbo fariĝis kiel deliro, la fortikajoj sur la bordoj platigis kvazaŭ kraboj, eljetitaj de ondoj, kaj la grandegaj dokoj, fabrikoj, altkreskaj arboj kvazaŭ forkuris de ili en la profundaĵojn de arbaroj, en ĥaoson de mallumoj kaj nur de tempo al tempo siblis post ili voĉoj de sirenoj kaj mallaŭtaj agoniantaj eĥoj de iaj sonoj...

Ili aŭskultis ilin avide en preĝa silento, kiel la lastajn plejsanktajn spirojn de l' patrujo, perdata por ĉiam—kiam subite la ŝalupoj supren-saltis kvazaŭ ektimigitaj ĉevaloj, la gigantaj ondoj

suprenlevis ilin subite kaj forjetante de siaj dorsoj, faligis en bruegantajn abismojn.

Ili estis jam sur la plena maro, ventoj ekgemis super ili, ŝaŭmantaj ŝprucoj komencis salti ĉirkaŭe, kiel kolerigitaj hundoj.

Hiroše donis signalon, ili faris mallongan duonrondon kaj kurante tra la ondoj, laŭ pli proksima vojo al la apenaŭ videblaj bordoj, ili aperis inter arhipelago de insuletoj dense disjetitaj kaj plenaj je florantaj gardenoj, kiuj levigis el sub la akvoj kvazaŭ blankaj nubo, rugigitaj de l' okcidento.

Ili krozis nerimarkite tra mallargaj interspacoj kvazaŭ tra senfina, floranta aleo. Birdoj kantis en densejoj kaj la klinikaj cerizaj arboj ŝutis sur ilin blankajn odorajn florojn; tie kaj ie trabriladis lumoj, tie kaj ie en boatoj balancigantaj sub nebuloj da floroj kantis knabinoj, iafoje tranĉis al ili la vojon fiŝista barko peze klinita sub la plenblovita velo kaj de tempo al tempo malgaja malproksima bruo de l' maro trafendis la gardenojn kvazaŭ vokante ilin.

Ili tiel rapidis per la tuta forto de vaporo, ke baldaŭ ankaŭ tiuj ĉi insuletoj malaperis en mallumo de l' maro kaj nokto kiel songo pasinta, kiel songo trarevita senrevene, kaj ne

unu koron ekpremis mordanta plendo, ne unu animo ekploris dolore — sed la vizaĝoj restis senmovigitaj per la tuta forto de l' volo, la okuloj estis misteroplenaj kaj ridetoj volviĝis sur la palaj lipoj.

La ĉielo estingiĝis, la lastaj nuboformoj forbruladis en la okcidento kaj senmezura dezerto de akvoj surfalis ilin kaj tegis kvazaŭ per mortkovrilo.

Estis jam preskaŭ mallume, kiam ili alnagiĝis al ia sole kuŝanta insuleto, kovrita de nudaj ŝonegoj kun sovaĝaj konturoj.

En malgranda golfo, enpenetranta profunde kaj maskita de moviĝema digo, kovrita de arboj, alpremiĝis al si dek ŝipoj, similaj al nigraj gigantaj rampaĵoj ripozantaj en trankvilo kaj kelkaj torpedŝipoj staris sur ankroj kiel gardantaj hundoj.

Ili eliris el la ŝalupoj kaj, kiel ombroj, senbruoj disrampis en mallumoj.

Silento ree ekregis; la ŝipoj kuŝis kvazaŭ kadavroj, ĵetitaj sur la bordoj, la ferdekoj estis malplenaj, la fenestroj mallumaj, la kamenoj ne fumis, aŭdiĝis nenia voĉo, eĉ la akvoj de l' golfo kuŝis kvazaŭ senviva tavolo de plumbo, nur la maro muĝis, frapante senĉese, kaj kriis iaj birdoj inter la ŝonegoj.

La nokto falis rapide; la tuta mondo enprofundigis en nigroverdajn senfundaĵojn de mallumoj, sur la horizonto la ĉielo fandigis kun la maro en unu netrapenetreblan abismojn, plenan je terura bruego, je balbutantaj movoj de ondoj, je fantomoj de grizverdaj kolharegoj kaj je tremanta dezerto spiranta per teruro kaj timo.

La maltrankvilo naskigis en la spacoj, la ventoj trakuradis kun ĝemego kaj spireganta kolera muĝo de l' maro fariĝis ĉiam pli potenca, aliformigis de tempo al tempo en surdan sufokatan ĥuffrapadon, kvazaŭ miloj da ĉevaloj estus kurintaj sur la sekigita tero; ĝi eksplodis per mallonga ekscitanta muĝego kaj rebatigis, faladis peze en abismojn kiel kadavro.

La ventego furiozis ie malproksime.

Sed en la silenta golfo oni kvazaŭ ne sciis pri ĉi tio, ĉar ankoraŭ longe regis morta silento. Kaj nur, kiam super la malproksima haveno ekbrulis palaj, apenaŭ videblaj fajrobrioj kaj komenciĝis nerva rapidema movado, subite ekgrincis leviloj, eksprucis lumoj, la gigantoj komencis movigi kaj la torpedŝipoj ekkrozas kun siblo apud iliaj bordoj.

Hiroše, kiel estro de l' kampanio, trari-gardis ĉiujn ŝipojn.

Ĉie la mašinoj estis jam subvapore, la kapitanoj staris sur siaj pontetoj kaj la ŝipanaro okupis siajn ordinarajn postenojn.

Nepriskribebla silento ekregis sur la ferdekoj.

Hiroše moviĝis kvazaŭ inter fantomoj.

Nek unu voĉo elŝiriĝis el la tremantaj bušoj, nur la koroj premiĝis, eksplodataj de muta krio, manpremoj anstataŭis parolojn, rigardoj fariĝis kisoj, ridetoj estis adiaŭdiro, gestoj — juro...

La morto ekblovis per glacia elspiro, alvenis momento kvazaŭ de plej kortušantaj konfidoj kaj lastaj sanktoleadoj.

Ankoraŭ unu rigardo sur la mondon, ankoraŭ unu muta doloriga demando, kaj la vivantoj komencos malsupreniri en tombojn.

Hiroše moviĝis pli kaj pli mallaŭte kaj timeme, sed kvankam senlima malgojo dispremis lian animon, li plenumis severe sian devon, kontrolis ĉion necesan, enrigardis eĉ sub la ferdekojn en la magazenojn, plenigitajn de grandegaj ŝtonoj kunforgitaj per fero, malsupreniris en la mašinajn kamerojn, kie en sangaj lumbriloj laboris duonnudaj hejtistoj kaj poste disdonadis al la kapitanoj sigelitajn ordonojn, ĉirkaŭprenis ankoraŭ unu fojon per la

malsekaj okuloj la salutantajn lin ŝipanarojn kaj malaperis kiel ombro.

Alvenis fine la lasta momento, malfermigis la digo, ekbrilis signalo kaj la ŝipoj komencis eliradi, ordigante sin laŭlinie; la torpedŝipoj iris flanke, kiel ŝafhundoj, gardantaj ŝafaron.

La kampanio eknagis kaj malaperis en mallumoj.

La maro malfermis siajn senlimajn brakojn kaj ĉirkaŭprenis ilin en sian potencon.

Hiroše staris ĉe la direktilo de la antaŭiranta ŝipo, rigardante malproksimajn estingiĝantajn lumbrilojn.

Ili naĝis sen lumoj, rampante singarde tra ventegoj kaj nokto, kiel vico da sovaĝaj bestoj, rapidanta al sanga akiro.

La nokto estis netrapenetrebla; nigraj, furiozantaj ondoj ruligis kun surda muĝo; nek unu stelo en la abismoj de l' ĉielo, nek unu konstanta konturo de objekto, nenio krom ŝaŭmantaj profundajoj de mallumoj, balanciĝoj kaj minacaj bruegoj.

La ŝipoj iris plenvapore, batalante furie kun la maro — la ventego levis ĉiam pli kaj pli supren sian kriegantan kapegon, ventoj alkuradis el mallumejoj per muĝantaj aroj kaj la

ondoj kvazaü sennombraj sovaĝaj ĉevaloj vetcuris kvikante, saltis al la ŝiprandoj kaj falis sur la ferdekojn.

Kaj tiel forpasis horoj.

La ventego fariĝis īaoso de furiozigitaj elementoj, montoj da akvo levigis el profund-ejoj kaj krevis kun siblo, nepriskribebla bru-ego plenigis la aeron, kriegis la maro, kriegis ventoj, kriegis la mašinoj laborantaj senĉese, la furia turnigo tiel jetadis la ŝipojn, ke ili dis-flugadis ĉiuflanken, kiele splitoj, sed ree starigis nevenkeblaj eltiritaj en unu vicon, ili iris fiere tra la danco de fortegoj englutantaj sin reciproke, ili iris senhalte, kvankam ilin batis eksplodoj de blinda kaj senpensa potenco kaj ebriaj, frenezaj fortoj frapis per bategoj de uraganoj.

Hiroše gvidis la kampanion kun sentima certeco, li interŝangis kelkajn vortojn kun la direktilisto, ordonis ion per la tuboj al la mašinoj, kontrolis sektstanton, donis iafoge signalojn, kiuj fulme distranĉis la mallumojn kaj ree starigis ĉe la direktilo, avide rigardante tien, kie estis jam nur netrapenetreblaj noktaj ombroj.

Li revenis ofte preskaü senscie kaj rigardis timeme, kontrolante samtempe la konturojn de l' ŝipoj naĝantaj post li kvazaü vicoj da

nigraj ĉerkoj, senĉese supersutataj per sprucanta sablo de mallumoj.

Kaj subite ektemis en li la koro, forĝita en severan potencon de l' devo, eksprucis blindigantaj rememoraĵoj, malfermiĝis la animo ĝis la fundo, kaj reaperis en ĝi la tuta pasinta vivo, ĉiuj tagoj eliris el la forgeso kaj iris tra la memoro per sorĉa, ĝojege procesio. Ĉirkaŭvolvis lin rozkolora nebulo de revoj kaj petole dorlolante kondukis en florplenan boskon de kvieta homa feliĉo kaj kantis himnojn de l' stato.

Senlima sapiro trapenetris lian koron.

— Neniam! Neniam! Neniam! — ekĝemis plendo, sovaga, neesprimebla plendo.

Cent feraj ungegoj kunvolvis liajn internojn, li saltis furioza kvazaŭ volante ekkapti la ventojn kaj forkuri de tiu ĉi tombo kaj reveni al la vivo.

Sed li haltis, trakurante per la ektimigitaj okuloj la ĉirkaüon, ĉar eksonis en li severa forta voĉo de l' patrino:

— Mi ĝojas, ke mi donis vin al la mondo, ĉar nun mi povas vin oferi al la patrujo. Estu fiera, ke vi povas morti pro ĝi!

Tio estis ŝia lasta voĉo de l' adiaŭo. Li memoris ĝin kaj sentis en la koro, kiel ne-

estingebilan flamon; li rektiĝis subite kaj ek-murmureatis humile:

— Mi mortos, patrino! Mi mortos!

Li levis fiere la kapon, per malestimo mortigis la momentojn de l' ŝanceligo, fariĝis ree netimigebla estro, fariĝis jam nur malvarma, senkompara ekbato, kiu devis surfali la malamikojn.

Estis jam post noktomezo, kiam la torped-ŝipoj elnaĝis rapideme por esplori la ĉirkaŭon kaj la ŝipoj ŝangis sian ordon, stariginte en longan linion, kline ĵetitan sur la ondojn.

Ili havis ankoraŭ kelkajn horojn da vojo antaŭ si, sed jam ĉio sur la ŝipoj estis plej zorge fermita, por ke ne eliru eĉ plej malgranda lumo, eĉ la kamenoj ricevis supre kvazaŭ kapuĉojn, ensorbantajn lumon kaj la homoj, alkroĉante sin al ŝnuregoj kaj barieroj sur la superaj pontetoj, enprofundigis en la mallumojn la malkvietajn okulojn kaj ŝtonigis en silenta teruro de atendo.

Sed la nekonata sorto ŝtelatendis ie ankoraŭ malproksime!

La ventego komencis trankviligi, ankoraŭ de tempo al tempo elŝiriĝis el profundejoj kvazaŭ aroj da muĝantaj brutoj kaj iafoje ek-blovis uragano, disbalais la ondojn kaj tiel

ektondris sur la gigantojn, ke ili falis kun ĝemo, sed la frenezaj brakoj de l' ventego batis jam pli kaj pli malforte.

Nur la paliginta de kolero, sovaĝa marta nokto sekvis ilin sendisige, gi iris simila al abismoj de verdblauaj glacioj, iris tremanta, kaj semis ĉirkaŭe ventojn ĝemantajn kaj tiel malvarmajn, ke la ferdekoj kovrigis per glacio kaj ondoj mordis kvazaŭ per fajro, iafoje gi eksplodis per pasiaj longaj pluvegoj aŭ ekšutis per densa neĝo, kiu kiel plumhavaj grizblankaj nuboj defluis sen bruoj, defluis mole, falante senlaŭte per ondoj de griza frostigita lumo, kaj ĉio fariĝis ŝutigema, tremanta, mallaŭta grizajo, en kiu la ŝipoj vagis kvazaŭ ektimigitaj fantomoj; iafoje ekregis profunda silento, kvazaŭ la nokto ŝtelatendis, subaŭskultante timeme iajn malproksimajn voĉojn.

Kaj tiel alterne pasis unutonaj longaj horoj.

Sed tiuj ĉi lastaj momentoj ŝajnis esti jarcentoj, ili trenis sin tiel malrapide, tiel peze, tiel longe, kvazaŭ ili neniam intencus finigi.

Inter la ŝipanaro horo post horo kreskis nerva ekscitigo, el ĉiu ŝipo iaj flamigitaj okuloj vagis malkviete en la netrapenetrebla nokta mallumo kaj sur ĉiu oni atendis sen-

pacience la lastan momenton — la momenton de l' batalo. Oni kalkulis jam minutojn, oni kalkulis sekundojn, oni kalkulis eĉ la ekfrapojn de l' ŝraŭboj, balbutantaj en la profundejoj.

Kaj ĉirkaŭe—neno, ĉiam dezerto kaj nokto.

Nur Kataoka trankvile staris apud la direktilo kaj Hiroše pašante sur la ponteto gardis ĉion kaj pensis ĉiam la samon:

— Jen malrapide, nerimarkite, neelpeteble alproksimiĝas la morto.

Li estis preta. Li sentis nek plendojn, nek timojn, tenis la animon en feraj katenoj de l' forta volo. Li sciis, ke li devas morti kaj kuntirigis kiel tigro por la lasta salto... Ankoraŭ momento kaj li jetos sin en mortigan batalon, en batalon senkompatan... La patrujo elsendis ilin al morto, sekve ili devas peregi la lasta... Estu benata via volo, Japanujo, benata kaj sankta!

Li revis, rigardante ĉion kvazaŭ el postnebuloj de l' senlimeco, li sentis jam, ke la morto alproksimiĝas inter mallumoj, ke tiuj ĉi mallaŭtaj ventoj murmeretas ion misteroplene, ke lin alvokas ondoj, ke la eterneco ĉirkaŭprenas lin en siajn dolĉajn brakojn kaj la nokto kisas per malvarmaj lipoj kaj alpremas, kaj dorlotas kaj malaperigas la nediveneblon...

— Ĉu tio ĉi estas homo? — li pensis iafoje — ĝi estas nur ondo, kiu eliras por momento el profundejoj kaj malaperas por ĉiam. Kiu scias, ke ĝi ekzistis?

La maro estas eterna, Japanujo senmorta! Mi ekzistas kaj pereos, mi diserigos kaj eble mi estos apenaŭ ombro, kiun arboj faligas post la sunsubiro...

Mirinda dolĉeco trapenetris lin, kvazaŭ dolĉeco de defluado en silenton.

— Kaj eble?

Ekploris en li ia nemortinta ankoraŭ espero kaj tuj estingiĝis.

Mallaŭta signalo traŝiris la aeron.

Li jetis sin al la nazo de l' ŝipo; ia pala lumbrilo, simila al disfluinta orkolora makulo, tremis sur la horizonto.

La ŝipoj malrapidigis la iron.

Sur la ferdekoj ekbolis la lasta, nerva laboro de lastaj preparoj, oni elŝovadis rapideme la faŭkojn de l' pafilegoj, reguligis kartoĉ-kanonojn kaj ŝargis la karabenojn. La grandegaj afustoj turniĝis sen bruo, nek unu levilo ekgrincis, nek eksonis ĉeno kaj la homoj moviĝis senbrue kiel ombroj.

Senlima ĝojo plenigis la korojn, la en-

tuziasmo ekblovis per heroa, bruliganta vento,
ciuj preskaü frenezis de ĝojo.

Kaj la malproksima pala lumbrilo fariĝis
ĉiam pli kaj pli proksima, balanciĝante sur la
ondoj, kvazaü gardanta, vigla okulo.

La torped ŝipoj revenis kun sciigo, ke en
la ekstera rodo ŝipoj forestas tute.

Ili ektrenis sin antaŭen ankoraü pli mal-
rapide, preskaü rampante sur la ondoj, kvazaü
lupoj kun kaŝata spiro kaj kuntiritaj ungegoj.

Silento ree ekregis inter la ŝipoj, silento
de falanta nubo antaü ol ĝi eksplodas per
tondroj. Ciuj kvazaü senviviĝis sur siaj lokoj,
nur la mutaj, fajrigitaj pupiloj pendis sur tiu
ĉi lumo leviganta el la akvoj, kiel ruĝa luno,
turniĝanta en ora ringego de briloj.

Estis jam kvina horo matene.

La maro ree komencis muĝi kaj ekskitigi,
de la bordoj ankoraü nevideblaj malvarma
vento alpelis kun siblo tutajn arojn da mal-
longaj sed altaj ondoj, jetadis ilin kaj tiel dis-
batadis de la ŝipoj, ke ŝaŭmo kovris la maron
kvazaü per neĝo.

Densa grizblanka nebulo disrampis de la
bordoj.

— Ĝi estas reflektoro sur Tigra Vosto—
ekmumuretis Hiroše.



— Post dudek minutoj atingos nin ĝia lumo.

— Ni ekatakos de flanko, el sub la ŝtonegoj, ĉar la tuta enirejo estas lumigita.

— Nin atendas malfermita tombo. Oni jam bruligis torĉojn sur ĝi — aldonis mallaŭte Kataoka.

— Tie, tie ni mortos, tie.

— Sed ni tiel ŝtopos ilian faükon per niaj korpoj, ke ili sufokiĝos!

Alte super ili traflugis dekkelko da vagaj lumstroj.

— Nova reflektoro! Post momento oni nin malkaŝos!

Mallonga manpremo, profunda reciproka rigardo de la okuloj kaj ili diskuris rapideme.

Oni vidis jam per nuda okulo du fortegan reflektorojn. Strioj de lumo, kvazaŭ flugiloj de ventmueliloj flagris per senĉese rondirantaj fulmoj, serĉante avide ion en la dezertaj spacoj, desegnis ĉiam pli kaj pli grandajn rondojn, tranĉante la nokton kvazaŭ per brillantaj sabroj.

La bordo estis jam malproksime, la maro batis furioze la ŝtonegojn, obstina, senĉesa frapado de ondoj skuis la aeron per surda klakado; la vento ruliĝis kun bruoj kaj el post

nebuloj levigis ĉiam pli proksime, ĉiam pli distingible, mallumaj, fleksitaj konturoj de montoj.

Port-Arturo kuŝis kvazaŭ nigra monstro inter bruegantaj akvoj, turnanta ĉirkaue la sangajn okulaĉojn de l' reflektoroj; deklivaj montoj ĉirkaŭprenis ĝin per netrapenetrebla ringego, tra kiu en la internon kondukis nur unu mallargā trairejo.

La ŝipoj jetigis iom flanken, al la bordoj, kaj evitante ĉiam malkaſon, flugis per etendita vico rekte al la nigriganta faŭko.

Nigraj gigantaj korpegoj, balancigante kvazaŭ sur trapezoj, iris jam plenvapore, glitadis kiel fantomoj tra la lumflagradoj kaj tra la altiĝintaj ondoj, enprofundiĝadis ĉiumomente kaj ĉiumomente levigis arogante, kuris nehaltigeblaj, flugis vete kun la ventoj, kiel terura ventego kaj kiel ventego plena je tondroj.

Kaj sur la ferdekoj staris jam ĉiuj, pretaj, sentimaj, silentaj.

Senfine longaj momentoj forkuris en morta silento de atendo.

Ankoraü mil metroj... ili kuras furie... levigas... falas en abismojn... ventefugas kiel grandegaj birdoj kaj ĉiuj koroj frapas laŭ la ritmo de l' maſinoj, volviĝas de doloro ĝis

muta krio, la okuloj vualigas per nebulo kaj la
la animoj ŝtonigas.

Ankoraŭ sescent metroj... pensoj fariĝas
haoso de fulmoj, tremoj kaj timoj; eble oni al-
venos ĝustatempe!.. Ho, daŭru nokto, ho
daŭru... por ke ni nur povu atingi tiun tra-
irejon, por ke ni povu ĝin ŝtopi per la propraj
kadavroj...

— Pli rapide, pli rapide! al la mašinoj!
aŭdiĝas ies voĉo.

Jam mankas spiro, mankas fortajo, sen-
moviĝas okuloj, malvarma pluvo kovras korpojn
per glacia mantelo. Disigitaj ŝprucoj vipa-
as vizagojn, vento siblas, haroj leviĝas.

Ankoraŭ kvintcent... Karabenoj tremas
en la manoj... frenezaj rigardoj rebatiĝas de la
blankaj ŝteneoj... jam profunde flagras lumoj...
iaj domoj... ĉio komencas rondturniĝi... tremas...
ſanceliĝas.

Ankoraŭ kvarcent... mil sunoj turniĝas
super la kapoj... ondoj brulas... cirkauie fajro...
oni falas kvazaŭ en fajrajn abismojn...

Subite el ĉiuj montoj eksprucis torrentoj
da lumo kaj ekpafis tondro.

Tiam Hiroše, pala kiel kadavro kaj tran-
kvila kiel dio, donis signalon.

— Japanoj! Ciu plenumu sian devon!

— Banzaj! Antaüen! — elſirigis unu ek-krio kaj eksilentis.

Alvenis la lasta momento.

Hiroše starante en la fino de l' ſipvico kviете kaj neelpeteble jetadis ilin en la faükon de l' morto.

La brulſipoj prenis la plej rapidan iron kaj kuris kvazaü furiozigitaj leonoj.

Sed la morto ankaü maldormis. Oni remarkis jam ilin. Sangaj strojoj ree ekpafis, ekmugis tondroj, eksiblis hajlego da kugloj kaj cent elektraj sunoj superverſis ilin per maro da lumo, renkonte elſovigis, kvazaü nigraj salamandroj, longaj torpedſipoj...

La unua brulſipo ekflagris en la lumo kaj jetis sin antaüen al la enirejo, kvazaü flugante en aero, sed salutita de uragano da kugloj, ekvolvigis kiel vundita besto, ekmugis el ĉiuj kanonoj, suprensaltis kiel ĉevalo kaj malaperis en profundejoj.

Post ili eliradis jam el la ombroj aliaj kaj kiel aro da furiozigitaj monstroj jetis sin neretenble en la uraganon de fajro kaj fero, kiu subite ekfuriis super ili.

Ektremis la tero, ondoj komencis barakti kaj ĝemi, kvazaü brutoj, ekposeditaj de timo kaj la ekvekitaj mallumoj tremis per senĉesaj

fulmoj, ĉar jam de ĉiuj montoj pafis kanonoj, krakis kartoĉoj, ŝutante densan, mortigan hajlon kaj incitantaj muĝegoj de sieĝaj kanonoj ekbruadis ĉiumomente kaj ĉiumomente kun sovaĝa siblo kaj murmurego traflugis ŝtalaj ŝtupoj kaj ĉiumomente terura ekkrako kvazaŭ de miloj da tondroj, distranĉis la aeron, kaj la maro ŝprucis per vulkanoj de krevantaj en la profundejoj grenadoj.

Sed la brulŝipoj, superŝutataj per fajro kaj fero, batataj de pluvego da grenadoj, disirataj per ŝrapneloj iris konstante antaŭen kun ĝoja bruo de flagoj, flirtantaj sur la mastoj, iris nehaltigeblaj; jam la ferdekoj komencis detruigi, falis mastoj kaj kamenoj, fendigis la ŝipbordo, akvo penetris tra la rompitaj flankoj, fajroj ĉikaŭprenis pontetojn, eksplodadis municiaj kameroj—sed sub la fiera signo de la leviganta suno la homoj batalis ĝis la lasta elspiro kaj netimigeblaj, furiaj, blindigitaj de fumoj, kovritaj de sango kaj vundoj, disirataj korpe, forbalaataj de terura ventego de kartoĉoj, envualitaj per nebuloj de fumoj kaj flamoj, faladis sur la fundon kiel brulantaj ŝtiparoj da kadavroj, falis en abismojn kun krio de heroa frenezeco kaj triumfo.

Kaj Hiroše, kiel dio kaŝita en mallumo

kaj kiel dio neelpetebla, konstante ĵetadis ilin en la brakojn de l' morto. De tempo al tempo elsprucadis fajroj de signaloj kaj nova brulŝipo elŝirigis el mallumoj, flugis kun krio tra la flagranta ventego de tondroj kaj kovrita per nebuloj de flamoj, mortis tie, kie ĝi havis jam destinitan por si tombon.

Kaj tiel unu post alia, kiel ŝtonoj per Dia mano ĵetataj sur la fortikajon, falis funden kadavroj de l' ŝipoj kaj homoj. Unu post alia ili mortis ĝoje pro la malproksima patrujo; unu post alia ili falis per heroa ŝtiparo, falis en abismojn kun terura majesteco de oferemo kaj devo.

Fariĝis jam mateno, la ĉielo heliĝis, peza malĝojega tago leviĝis de la oriento, kaj de la bordoj rampis nebuloj pli kaj pli densaj, griz-kolora netrapenetrebla mallumo dronigis malrapide la maron, la montojn kaj la ŝipojn ĝis fine ĉio pereis en malklara profundajo.

Nur la batalo ne haltis eĉ por momento.

Sovaga freneziginta uragano furiis ĉiam pli severe kaj pli potence.

Ĉiuj baterioj laboris senĉese, centoj da kanonoj pafis, ĉiumomente miloj da kugloj traflugis kun siblo kaj fajfo, miloj da fulmoj traflagradis per sangaj pupiloj, miloj da tondroj

ektremigis la aeron, oni pafis de ĉiuj fortikajoj, oni frapis konstante, oni frapis senĉese, oni frapis kun tia terura unotoneco, ke tiuj ĉi nesilentigantaj eĉ por momento muĝegoj de kanonoj, eksplodoj de grenadoj, krakado de krevantaj ŝrapneloj, bruoj de l' maro kaj siblo de ventoj kunfluis en unu ĝeman, plendan himnon, ĉe kiu mortis unu post alia la brulŝipoj.

Jam sep da ili kuſis sur la fundo de l' mallarga faŭko, kaj la oka agoniis disfrakasita per kugloj, kiam Hiroše ekkriis al la direktilo:

— Kaj nun ni!

— La lasta — ekmurmuretis kiel eĥo, Kataoka.

Ekgrincis ŝraŭboj, la dua brulŝipo preterglitis senbrue, ekkrakis la ĉenoj, jungiĝis kune flanko ĉe flanko kaj kvazaŭ Lelum Polelum ili jetis sin en la batalon al la komuna morto.

La fortikajo ĝemis per tondroj, kiel furio, la pluvego da fulmoj trafendis la mallumojn per terura flagrado kaj uragano dā kugloj falis senĉese, kiam la lastaj brulŝipoj subite aperis en la lumgarbo kaj saltis al la trairejo per la tuta forto de l' mašinoj.

— Banzaj! Banzaj! — ili kriis flugante kiel ventego.

Hiroše staris sur la kapitana ponteto,
malvarma kaj kvieta.

Aro da ŝipoj baris al li la vojon per nigra
fulmanta nubo.

— Fajron! — eksonis la signalaj trump-
etoj.

Ektondris pafadoj, ekbruis pomponoj sur
la pontetoj kapitanaj kaj iaj restajoj eklumetis
super la ondoj, iaj kriegoj nehomaj aüdigis en
plaŭdoj kaj tondroj, sed la brulſipoj kuris kiel
ventego, ruinigante ĉion intervoje. Ili kuris al
morto kaj venko.

Kaj la batalo fariĝis jam mortfuriozo,
kugloj traboris la ferdekojn, vomante per ŝtalo
kaj fajro, frakasis la flankojn de l' ŝipoj, kaj
falante per senĉesa hajlego kvazaŭ per fera
draŝilo dispremadis ĉiun objekton.

Uragano de fulmotondroj falis kvazaŭ
superakvego, la homoj mortis ĉirkaue, falante
kiel subtranĉitaj arboj sur la ŝtiparojn ankoraŭ
tremantajn, ili falis en la maron kiel ŝtonoj,
volviĝis de doloroj en sangaj kotejoj inter
amasegoj da korpoj terure disfrakasitaj, sed la
restintoj, forkaptitaj de batala ventego, blind-
igitaj de fumo, ebriaj de mortiga furioso, batal-
is ĝis la lasta elspiro, ili batalis jam senkonscie
nur pro morto kaj heroeco. Eĉ la mortige

vunditaj, preskaŭ mortantaj, rampante inter la restoj de korpoj kaj kugloj, pafis ankoraŭ el karabenoj kaj ĵetis manajn grenadojn sur torpedipojn, vagantajn ĉirkaŭe kvazaŭ arego da malsataj monstroj.

La brulipoj fariĝis jam kvazaŭ vulkano, ĉar ĉiumomente ili eksplodis per fajraj kaj feraj kolonoj, ĉiumomente elsprucis brulegoj per fontanoj, ĉiumomente levigis supren sangigitaj frakasitaĵoj de korpoj, de lignaĵo kaj ŝtalo kaj la senĉesa tondro bruegis kvazaŭ en kratero...

Jam eksilentis signalaj trumpetoj, eksilentis pomponoj sur la kapitanaj pontetoj, ekmutigis kanonoj disbatitaj, sed la brulipoj ĉiam ankoraŭ iris antaŭen; jam malfortigis ilia rapideco, jam ili klinigis flanken, tremantaj kvazaŭ en agoniaj konvulsioj, ili estis jam kvazaŭ nudaj kadavroj dispiritaj kaj dispremitaj, sen ferdekoj, sen kanonoj, sen kamenoj, sen bordoj kaj pontoj, sed plenaj je mortigaj vundoj, je sango, je ĝemoj kaj je nepriskribebla teruro kaj sankta furiozeco...

Ili jam fulmrapidis per la restfortoj de agoniantaj mašinoj kaj mortfalantaj homoj...

Alvenis la lasta momento!

Kaj Hiroše jam forgesis pri si, li estis nur kvazaŭ nerebatebla mortfrapo.

— Pli rapide! Pli rapide—li kriis nur de tempo al tempo tra la tubo al la malfortigantaj mašinoj.

Li vivis ankoraü, li batalis ankoraü, li ordonis ankoraü, li mortigis ankoraü mem, sed jam ia kosma ventego portis lin super ĉion, disblovis lin en senfinajn spacojn kaj dronigis en neesto...

Li vivis ankoraü kaj io suferigidolĉa trapanetris lian koron, en la okuloj fiksitaj en fumojn kaj fajrojn naskiĝis vidado de aferoj nekompreneblaj, kaj sur la lipoj ekfloris dolĉega rideto de salutoj.

Li komencis jam tremi kvazaü ombro malaperanta en senfino, li transformiĝis en songadon pri si mem...

Kaj li estis nur ventego de sento, ĝoje pereanta en kvieto...

Sed li staris senmove inter falantaj grenadoj kaj zorge atentis ĉion, kaj kvankam sango superverŝis lian vizaĝon, li ekrimarkis la lastan limon, donis signalon al la mašinoj, la brulŝipoj subite ŝuprenleviĝis kaj falis large kiel kadavroj en malfermitan tombon...

— Kingstonojn!—aŭdigis la lasta ordono.

Oni ne bezonis jam dronigi. La brul-

ſipoj enprofundiĝadis malrapide kaj senbrue en la furioziĝantajn abismojn, entombiĝis en la akvon kun solena majesteco de l' morto, la maro kun siblo enpuŝigis trans la dissiritaj flankoj; la ondoj superverſis la trunkon... jam dronis la restaĵoj de ſipbordoj... jam defluis la kadavroj kaj vunditoj... jam la morto finis sian senkompatan falĉadon.

Kaj nur sur la mastoj de la lasta ponto, sub la suna, dissirita flago, alpremiĝis ankoraŭ areto da homoj batalantaj kun la morto.

Ili malsuprenfalas tamen ĉiam pli kaj pli, kugloj frapis ilin senĉese, grenadoj dissiris tiujn ĉi malfortajn araneaĵojn, sur kiuj ili pendis; ĉiumomente iu forlasis maston kaj rebatiĝante de ŝnuregoj, falis kvazaŭ pafita birdo...

Nur sola Hiroše, malgraŭ la vundoj, sin tenis ankoraŭ sub la flago kaj per la restoj de l' fortoj, voĉo kaj konscio, kriis de tempo al tempo:

— Banzaj! Banzaj!

Al li respondis kartoĉoj kaj senĉesa siblando de kugloj kaj plaŭdado de ondoj.

La hela tago leviĝis pli kaj pli supren...

Kaj li malsuprenfaladis malrapide, la akvo ĉirkaŭprenis liajn piedojn; li rampis sur la

pinton de l' masto kaj alligis sin al ĝi per la restajoj de l' flago, sed la akvo ĉiam pli levigis, senkompare, ĝi jam atingis lian zonon... levigis al la brusto... kraĉis sur lian vizagon... rampis al la brakoj... lekis lian kolon... kaj komencis tuŝeti la bušon per glacia maldolĉa kiso... sur la okulojn ĝi metis verdajn, malvarmajn naĝilojn... kaj murmuretis al li ian kanton... kvietigantan, kanton de forgeso...

Per lasta superhoma ekpeno, li levigis iomete, elſirigis ankoraŭ por momento el la cirkaŭpreno de l' morto kaj turnis la vizagon orienten, tien, de kie fluis rozkolora mateno, kie la suno levigis jam super la bruegantaj ondoj.

Li ekrigardis kun entuziasmo tiun flamantan plejsanktan vizagon kiel la dian kompatoplenan vidajon kaj liaj okuloj ekfrapetis kiel birdoj, ekpafis per fulmoj de feliĉo kaj dankemo kaj forflugis per senmorta flugo en la senfinon...


La altiĝintaj ondoj kaptis lin en siajn mallumajn cirkaŭprenojn kaj forportis sur la verdaj dorsoj al la suno, al la malproksima patrujo.

Ĉio estis finita.

Ili mortis sur siaj ĉerkoj — brulipoj;
mortis ĉiuj ĝis la lasta.

Ave patria!





BIBLIOTEKA UNIWERSYTECKA

KUL

Esperanto

60 I

Biblioteka Uniwersytecka KUL



1001144593